

18. juli 2016

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

Naalackersuisunut apeqqutit:

1. **Ingerlatsiviit (selskabit) qassit Erhvervsstyrelsemi nalunaarsugaappat, inussutissarsiutinullu assigiinngitsunut agguataarlugit qanoq isikkoqarpat?**
2. **Nunatsinni ingerlatsiviit (ingerlatsiviit qanoq ittuuneri aammalu inuussutissarsiutit assigiinngitsut) qassit piginnittuuppat (moderselskab) nunani allani ingerlatsiviliinnarlutik (datterselskab), aamma nunani sorlerni qassit piginneqatigiit [aallarniisuminnut] suleqataasuuppat?**
3. **Nunatsinni ingerlatsiviit qassiuppat (piginneqatigeeriaaseq inuussutissarsiullu najoqqutaralugu qanoq agguataarsimappat) nunap avataaniit ingerlatsivinnik pigineqarlutik, aamma nunani sorlerni ingerlatsiviit piginnittut nunasisimappat?**
4. **Ingerlatsivinnut maaniamiunit pigineqartunik aammalu avataaniit pigineqartunit akileraarusersuinikkut malittarisassat suut atuutsitaappat, una apeqqutaatillugu ingerlatsivik piginnittuunersoq (moderselskab) imaluunniit ingerlatsivik piginneqatigiit aallarniisuminnut (datterselskab) aqutaanersut – tassanilu nuna sorleq akileraartarnermut piginnaatitaasuuppat akissarsiat akileraarutaat, piginneqatigiiffiup akileraarutaa, iluanaarutit il.il., apeqqutaatillugu ingerlatsiviit pingaarnerit piginnittuusut aammalu piginneqatigiit [aallarniisuminnut] suleqataasut nunami sumiannersut?**
5. **Nunatsinni ingerlatsiviit avataaniit piginneqatigiinnit allanit pigineqartut qanoq akileraarutitigut akiliisimappat ukiumi akileraaruseriffiusumi 2014-mi - piginneqatigeeriaatsinut inuussutissarsiutinullu assigiinngitsunut agguataarlugit - aammalu ingerlatsiviit pingaarnerit piginnittuusut nunatta avataaniittut akileraarutitigut 2014-imi akiliisimappat?**

(Inatsisartuni ilaasortaq, Vivian Motzfeldt, Siumut)

Tunngavilersuut

Naalackersuisooqatigiit isumaqatigiissutaanni decemberip sisamaanersumi 2014-imi imatut ilaatigut allassimasoqarpoq:

- ”Aalisarnermi suliffissuaqarnermilu, aatsitassarsiornermi, takornariaqarnermi aammalu nunami suliffeqarfinni allani, sanaartornerup iluani aningaasarsiorfissat suliffissallu annertusarneqassapput. Taamatuttaaq inuussutissarsiutini amerlanerusuni aningaasat kaaviaartinneqartut amerlisarneqartuarnissaat sulissutigineqassaaq.”
- ”Naalackersuisooqatigiit isumaqatigiissutaat suliata tamarmik ingerlanneqassasut Nunatta aningaasaqarnikkut imminut napatilernissaa siunertaralugu - suliniutigineqartullu sunniuteqarluarnissaat qulakkeerniarlugu ataqatigiissaarneqassasut”
- ”Kallaallit Nunaata aamma Danmarkip akornanni aningaasat ingerlaarnerat pillugu misissueqqissaarneq qulaajaanerlu ingerlanneqassapput nalilersoqqissaarneqarlutillu. Tamatumunnga uiggiullugu nunatsinni namminerisamik aningaaserivuteqalersinnaaneq immikkut misissorneqassaaq.”

Nunarput Nunanut allanut assigiinngitsunut akileraartarnikkut marloriaammik akileraarusiinnginnissaq anguniarlugu isumaqatigiissusiorsimavoq, inuit ataasiakkaat aammalu ingerlatsiviit nunatsinniikkallartut imaluunniit najugaqavissut eqqarsaatigalugit marloriaammik akileraaruserneqannginnissaat pinaveersaarlugu. Isumaqatigiissummi akileraartussaataaneq isertitanut agguataarneqarpoq, kiisalu isumaqatigiissut malillugu aalajangersarneqarluni marloriaammik akileraannginnissaq pillugu iliuusissat suut atorineqassanersut. Isumaqatigiissummi aamma isumaqatigiissutaasut ilagaat, nunap aappaani isertitat aalajangersimasut akileraartannginnissaat anguneqassasoq, taamaalilluni nunap aappaannaani akileraaruserneqassasoq.

Marloriaammik akileraarusiinnginnissaq pillugu isumaqatigiissutit aamma aalajangersagaqarput qanoq ililluni paasissutisseeqatigiinneq ingerlanneqassanersoq kiisalu ikioqatigiinnerup tigussaasumik ingerlanneqarnissaa aamma isumaqatigiissummi ilaalluni, inuit ataasiakkaat ammalu ingerlatsiviit akileraartarnissaannut atugassaammata, sumi najugaqarnerat naapertorlugu qanoq akileraartassanersut erseqqissarneqarluni.

Kissaatigaara apeqqutikka ullut qulit qaangiutsinnagit akineqarnissaat.